

N° 2023/O1/034

Question orale déposée par Véronique PIETRI
Au nom du groupe « Core in Fronte »

OBJET : **Un annu dopu, à chì ne simu di u travaddu di u Cunitatu Corsu-Sardu nant' à a quistioni di i basi è esercizii militari in Corsica è in Sardegna ?**

Torna una volta, a Sardegna hè ughjettu di manovri d'asarcizi militari internaziunali, incù a partecipazioni di parechji paesi sott' à l'ordini di l'OTAN.

Sti simulazioni di guerra si facini incù a prisenza fisica di 6000 militari, 41 unità navali, mezi aeri è elicotteri, automobili...

À tempu impurtanti spazi tarritorialli è marini diventan' impediti comu a zona di Teulada à Costa Rei. Si tratta di un mesi è mezu di prisenz'attiva militari.

Si capisci chì sti manovri sò di leia incù u cunflittu chì upponi à i porti di l'Europa, l'Ukrania à a Russia.

Un annu fà, v'emu dumandatu nant' à u listessu sughjettu, tinendu contu di a leia storica è naturali trà Corsica è Sardegna, è a missa in ballu in l'annu 2016 di u Cunitatu Corsu Sardu, di circà una pusizioni cumuna di principiu par u ricusu di a guerra è l'usu di i nosci isuli comu basi militari.

Tandu ci aveti rispostu chì c'era una vulintà di rilancià a cuuperazioni tra i nosci dui isuli è aveti fattu cunoscia u vosciu accordu par parlà in stu quadru di u sughjettu di l'asercizi militari.

Sapeti bè ch'idda sighi in Sardegna è in Corsica i basi militari ponini quistioni e prublemi ch'idda sighi à u niveddu puliticu, economicu, ecologicu, fundiaru è di a saluta.

Par contu nosciu, emu chjaramenti dittu innò à sta pulitica autoritaria chì pidda in ustaghji i nosci tarritori à tempu chì si ricusa u drittu di scedda da par iddi u so avvena comu populi.

Vi punimu oghji sta dumanda :

Postu chì un ci hè piu periodi «Covid», par suspenda i nosci attività esterni, à chi ne siti di u Cunitatu Corsu Sardu è di u so travaddu? Quali so stati i vosci analisi e pruposti in stu quadru? À chi ne siti di a pusizioni nant' à i basi militari ?

Ramintemu chì simu, quì, urganisazioni patriottichi chì da mesi è anni piddani pusizioni nant'à prisenza di sti basi o u costu di sti basi.

Saria ora chì a Culletività di Corsica fessi senta a so voci, in u sensu di a paci è di l'intaressi cumuni.

À ringrazià vi.